


大方廣惣持寶光明經

卷二

四百九十二
相二

51448

77



元祿九年丙子二月日重修

皇圖 聖蹟 緞昌

佛日 增輝 轉 常轉

山城州天安寺法金剛院置

2 5

大方廣惣持寶光明經卷第二 相

西天中印度摩伽陀國那爛陀寺傳教大師三藏賜紫沙門五法天奉詔譯

尔時法慧菩薩摩訶薩為諸菩薩說是菩薩
十住法已于時十方以佛神力於一一方各
有十千佛刹微塵等世界一一佛刹微塵等
世界地皆六種震動所謂動徧動等徧動震
徧震等徧震擊徧擊等徧擊涌徧涌等徧涌
吼徧吼等徧吼起徧起等徧起是時以佛神
力復雨種種天華雲種種天香雲種種天塗
香雲種種天鬘雲種種天栴香雲種種天衣
雲種種天傘蓋雲種種天寶雲種種天妙蓮
華雲種種天諸瓔珞雲種種天莊嚴雲如是



等種種供養雲周匝徧雨復有種種天妙音
樂於虛空中不鼓自鳴出大音聲光明晃曜
徧四大洲妙高鐵圍周徧十方普皆供養是
時法慧菩薩說是法時一切十方世界同時
亦說此十住法故乃至文字句義不增不減
皆悉同等復以佛威神力故於一一十千佛
刹微塵等世界各各有十千佛刹微塵等菩
薩從於十方雲集而來告法慧菩薩言佛子
善哉善哉佛子如汝所說菩薩十住法佛子
與我名同說法亦同如是等一切同名法慧
菩薩從彼十方一切如來所而來至此彼法
雲世界以佛威德於一切處同時轉此法輪

如是種種性相文字句義不增不減佛子于
時衆會以佛威德皆見彼衆而來詣此如我
到此世界亦復如是於一切十方世界一切
四大洲妙高山頂帝釋宮中十千佛剎微塵
等菩薩亦同來集是時法慧菩薩承佛威力
觀察十方法界衆會欲重宣此義而說偈言

見諸如來清淨智
十力功德衆莊嚴
見此種種神通力
復見輪迴諸苦惱
於此普賢如來前
由如虛空無有相

巍巍變化力如是
是故發此菩提心
說法利益諸群生
是故發此菩提心
得聞一切功德海
是故發此菩提心

一切住處及所生
各各差別性智求
是時過去及現在
爲求此智善修習
禪定解脫及三昧
爲求此智恭敬彼
能徧世間諸根力
爲求此智彼義學
菩提解脫徧世間
爲求此智無數論
種種無數三界中
界之自性智應求

一一性行皆明了
是故發此菩提心
乃至未來衆善惡
是故發此菩提心
等持清淨悉皆然
是故發此菩提心
如如湛淨皆同等
是故發此菩提心
其中各有種種意
是故發此菩提心
於中復有種種界
是故發此菩提心

徧詣一切求此法
自性真實解了知
一切剎中而出生
無數智眼同此求
過去現在及未來
如是過去事皆知
積聚衆生滿世間
如是煩惱盡能知
三界智慧彼皆知
爲求如是真實智
一切諸法無依倚
爲求勝義真實知

如是依止得安樂
是故發此菩提心
由如衆生依地有
是故發此菩提心
若干衆生何性相
是故發此菩提心
乃至一一徧親近
是故發此菩提心
無盡法門能解了
是故發此菩提心
本性如空亦無著
是故發此菩提心

能動佛刹微塵數
爲求如來如是智
普放光明照十方
爲求彼智一光明
不可思議種種刹
我願亦具如彼智
一切衆生及佛刹
爲求此法壽延長
假使大海所有水
如是此智願當求
十方所有一切刹
如是此智要盡知

亦今江海涌沸騰
是故發此菩提心
一一光明從口出
是故發此菩提心
飲食供給珍玩具
是故發此菩提心
能令遠離傷殺生
是故發此菩提心
一毛滴數盡能知
是故發此菩提心
一一刹中微塵數
是故發此菩提心

過去及與未來劫
如是劫數要盡知
三世一切諸如來
法之自性悉皆知
無量無數諸世界
性之自性悉能知
不可思議輪圍界
爲此廣大微妙知
無量無數諸世間
爲求此智清淨聲
一切世間諸語言
爲此自性真實知

現在一切諸世間
是故發此菩提心
及以聲聞辟支佛
是故發此菩提心
一毛端中盡稱量
是故發此菩提心
一毛端量盡能稱
是故發此菩提心
一剎那間聲周徧
是故發此菩提心
一字演說盡無餘
是故發此菩提心

無數化導三界中
為求辯說廣大舌
如說一切諸佛刹
為求說法無礙智
如來所有一切刹
如此佛法真實知
無數微塵等世界
為求如是種種智
過去及與未來佛
一刹那中心盡知
一句所說不思議
為求如是語言知

一切衆生悉皆衛
是故發此菩提心
一刹那中悉能見
是故發此菩提心
一刹那中皆周徧
是故發此菩提心
皆從自性而出生
是故發此菩提心
乃至現在諸世間
是故發此菩提心
如是劫盡彼無盡
是故發此菩提心

八方一切諸世間
爲此自性心了知
所有身口意三業
因此能解三世空
菩提心發應如是
十方無數劫盡行
乃至世間一切尊
如是彼佛皆說法
若一菩薩獲安樂
能作世間圓滿相
最上妙法最殊特
彼諸菩薩妙敷揚

如是相續不斷絕
是故發此菩提心
作彼十方一切行
是故發此菩提心
慇懃最上奉諸佛
是故尊重心不退
八方各各皆周徧
一一尊重心不退
行彼行故免輪迴
是故此尊心不退
甚深難解離言說
爲敬彼尊心不退

世間不動及住處
演說清淨妙法音
得生一切如來中
爲求此法常在前
無數無等阿僧祇
行彼菩薩如是行
乃至究竟三摩地
如是說彼諸佛法
遠離輪迴三界中
於諸世間常無間
一切世間諸苦惱
憐愍一切諸有情

如是難得甚希有
是故此尊心不退
無我無人離憍慢
是故慇懃心不退
得諸如來三摩地
是故慇懃心不退
超生彼岸解了知
是故此尊心不退
轉於如是妙法輪
菩薩應當如是說
如是濁惡災難中
是故菩薩應當說

菩薩最初說此法
持戒說法無有時
是時菩薩治地位
安樂利益於世間
信心念心及精進
護法捨離無去來
若以住彼如是心
遠離喧囂居閑靜
善言親近善知識
了達一切諸語言
曉了如來勝義已
如是平等湛然安

因茲發起菩提心
是故名爲發心住
最初降伏如是心
如佛遠離老病死
慧心願心并持戒
決定迴向諸合識
讀誦受持大乘典
訪尋一切親善友
勤求如是真實智
勝義諦理亦如是
離諸顛倒無疑惑
是名說法真佛子

治地住中如是得
演說妙法奉諸佛
復次菩薩第三住
苦空無常悉了知
諸法本寂離自性
住此一切無有感
為知一切衆生界
如是世界悉盡知
地界水界及火界
欲界色界無色界
乃至差別諸世界
如是廣大智慧尊

善能觀察諸菩薩
是故佛子應當學
法王教中求佛行
一切自性無來去
明了通達決定心
佛子應當如是說
及闡一切諸法界
是故名為相應行
如是風界虛空界
是諸世界悉盡知
悉見法界自性體
勇猛精進求佛智

是時菩薩生貴任
有性無性心決定
此地菩薩無退轉
於一切法恒修習
世間衆罪如塵刹
佛子善能分別生
過去現在及未來
宿殖善友悉同生
一切如來殊妙好
能作如是上妙生
此名第四菩薩住
是法悉能解了知

出家生諸如來中
所生之處常正見
爲求佛道心無厭
觀諸衆生如自性
遠離輪迴諸果報
菩薩悉令離衰老
一切法智皆明了
如佛出世亦復尔
入彼三世平等意
超越三世種種行
彼能稱讚此妙色
覺彼菩薩如是生

此後菩薩稱第五
種種方便化群生
所作如是廣大福
盡心迴向悉獲安
世間患難皆救濟
各各引導諸衆生
無邊一切諸世間
過諸稱量無等倫
此爲菩薩第五住
彼佛如是妙圓明
無邊一切諸衆生
疑網有無智了知

說名方便具足住
樂求福業徧往詣
今諸衆生皆解脫
憐愍有情今離繫
攝伏今彼生歡喜
得大涅槃心寂靜
如是無量無有數
非性非相非究竟
具足方便化群生
示現一切諸功德
觀法自性無迷惑
天上人間能堅固

於佛於法菩薩中
於是廣大諸衆生
煩惱衆生使清淨
法界或廣略敷揚
法界體性非有無
觀察一切心無動
泯絕性相孰有無
曉了劫性如幻夢
不退菩薩應如是
并觀行相爲有無
如來非去非有住
生與不生盡不盡

常行妙行離諸色
聽聞演說方便法
易化難化悉調伏
非來非去絕諸相
菩薩三世樂聽受
如是專注於佛法
本性離染我亦亦
爲聞如是上妙法
於佛於法菩薩中
不退非有亦非無
亦無來與非不來
有相無相非一異

種種衆多彼如一
各各差別衆寶嚴
眞如妙相非有無
如是差別往集會
復次菩薩童眞住
施作佛事無有著
皆從衆生行法生
智慧速疾隨意得
菩薩於此無異心
能知刹土悉動搖
演說遊行於佛刹
隨問演說無數義

勝義諦理離有無
菩薩於彼心不退
以無相智能解了
一一天上悉聽聞
身口意業悉清淨
是故隨意所生得
遊行見彼諸刹土
十方慇懃供敬禮
聞佛演暢微妙法
如是盡知無有餘
刹那徧詣阿僧祇
自性差別性亦然

方便音聲能照察
復說菩薩王子住
煩惱障閉妄想除
種種妙行悉能行
真俗二諦能了知
善能方便入王城
於彼往還能自在
由如灌頂王妙法
入彼王城善演說
此能隨順諸衆生
調御出興悉同然
佛子菩薩灌頂住

無數佛刹一念中
密行衆生非測量
事理相應方便說
分別世間過未來
諦求如是微妙法
如是徧遊悉周匝
所有王城能照察
如是威德力亦然
是故此爲王子住
如佛所化亦如是
得佛安隱住王子
處長最上能利他

一毛滴水爲校量
如是行於諸佛法
衆生莫測塵可知
一切如來及菩薩
若以現在十方中
從種發生菩提心

思惟校計莫能測
由若一切微塵刹
是故無數應是說
并與過去未來佛
乃至聲聞辟支佛
如是此數莫能側

功德數量莫能知
如是世界化群生

最初一念菩提心
無能超越過於彼

是時普賢菩薩摩訶薩告法慧菩薩言善男子
善哉善哉汝今善說此寶光惣持法門復
次善男子彼諸衆生當得愛樂不可思議諸
佛功德一切智慧善男子若有衆生但聞此

寶光懃持正法名号不須受持讀誦一心恭敬究竟決定得證佛果時法慧菩薩言佛子如是如是如汝所說普賢菩薩言佛子彼等已得如來灌頂甚深智慧若有善男子善女人至此會中得聞如是法者或有衆生手持是經者是諸衆生於佛法中皆得授記

是時長老舍利弗從座而起頂禮佛足而白佛言世尊我等今者如生盲人從昔已來未曾見聞如是正法世尊非但我故若諸衆生不聞此法彼如是等一切衆生亦如生盲人言長老如是如是如汝所說舍利弗即白佛言唯願說此不可思議甚深法故佛言舍利

弗汝當往詣命彼梵王帝釋護世諸天同來
此會如來勅語舍利弗此最勝法印寶光惣
持之法於彼道場衆會而說是時尊者舍利
弗受佛教勅爲問此寶光惣持法門承佛聖
旨往彼梵王帝釋護世諸天到已作如是言
寶光道場佛待汝來同時聽受此如是法今
正是時如來將說此寶光惣持不可思議法
故汝等速集勿過此時甚難得值後必追悔
如是最勝法寶世間難得甚爲希有時彼諸
天聞是說已即運神通於剎那頃梵王帝釋
護世諸天皆來集會到世尊所右遶三匝合
掌恭敬即於佛前勸請世尊唯願如來哀愍

我等及末法衆生說此寶光惣持法門于時
世尊默然不荅時諸天衆梵王帝釋護世諸
天如是三白慇懃勸請世尊默然是時尊者
舍利弗白世尊言唯願如來說此寶光明惣
持法故復言善逝唯願說之是時世尊即於
舌根從口而出種種音聲徧於三千大千世
界同時得聞若有善男子爲此寶光惣持法
故請於如來是諸衆生皆得不退轉於阿耨
多羅三藐三菩提

是時世尊復語尊者舍利弗言尊者舍利弗
汝當往詣請妙吉祥童子說如是法時妙吉
祥童子在於異處鉢擲合二叉娑羅樹下端身

正念結跏趺坐過於百千萬俱胝那庾多目
月光明住大寶莊嚴樓閣中梵王帝釋護世
諸天圍遶恭敬身皆金色吉祥莊嚴光明照
耀是時尊者舍利弗奉佛教命往詣妙吉祥
童子所到已即白妙吉祥言善男子如來請
汝爲於我等說此寶光物惣持法故于時妙吉
祥童子語尊者舍利弗言此如來者爲何等
義舍利弗言善男子汝智慧深遠我非汝曹
是故不任與汝論議妙吉祥言止舍利弗汝
甚愚癡汝若樂聞我當爲說舍利弗言善男
子我今樂聞惟願仁者廣爲我說時妙吉
祥童子說是語時即時三千大千世界乃至

清淨天宮及諸天衆上至阿迦膩吒天衆下
至四大天王并諸眷屬無數俱脰大藥叉將
諸梵天王及天帝釋護世諸天并諸天女各
各樂聞如是大法皆來集會及諸比丘比丘
居優婆塞優婆夷并餘三十三天夜摩天覩
史陀天化樂天他化自在天大梵天王阿迦
膩吒天如是諸天衆等皆來集會復有諸大
聲聞衆其名曰尊者須菩提尊者摩訶迦葉
尊者大目犍連尊者舍利弗尊者摩訶迦旃
延尊者阿顛嚕駄尊者誡耶迦葉尊者摩賀
俱絺羅尊者祖拏判姤迦尊者梨縛多尊者
曩祢迦葉尊者烏嚕尾螺迦葉尊者布囉拏

梅怛囉

合二

居士尊者羅護羅尊者鉢捺囉

合二

波羅尊者麼澁波

合二

尊者阿難隨如是等諸

大聲聞眾及耶輸隨羅五百比丘尼等皆悉

來集復有轉輪王及諸小王刹帝利婆羅門

長者居士皆來集會

是時尊者舍利弗遶佛三匝而作是言世尊

何因何緣即於今日如是大眾皆悉雲集云

何當知佛言尊者舍利弗是寶光惣持法威

德力故舍利弗言世尊此寶光惣持法門我

今樂聞佛言尊者舍利弗汝當往詣請彼妙

吉祥童子普賢菩薩此二大士必為汝說是

時尊者舍利弗白妙吉祥童子言善男子汝

今當說此寶光三摩地微妙法寶妙吉祥言
尊者舍利弗汝等今者爲欲聞此寶光惣持
法故舍利弗言今此四衆梵王帝釋護世諸
天爲聽是法故來至此于時妙吉祥即告長
老舍利弗作如是言舍利弗此法秘要不可
視聽如幻如化云何當說說聽是誰舍利弗
言善男子汝今當說我欲樂聞妙吉祥問尊
者舍利弗此說當云何言荅言妙吉祥空作
是說妙吉祥又問舍利弗空云何說荅言妙
吉祥空離言說妙吉祥言尊者舍利弗此空
若離言說我云何說尊者舍利弗旣一切諸
法皆離言說若作是說誰能聽受長老舍利

弗言善男子彼一切法皆離文字語言故作如是說是故說空無相無願非取非捨非異非不異非離戲論非不離戲論是時妙吉祥童子尊者舍利弗說是法時彼諸菩薩及於梵王帝釋護世諸天心大歡喜同聲讚言善哉善男子善說此寶光惣持法故

是時尊者須菩提白妙吉祥童子言善男子菩薩摩訶薩云何受持讀誦爲他解說此寶光惣持法故妙吉祥言須菩提此惣持法無生清淨如理受持離性離相非離言說非取非捨此法應如是受持爲他解說妙吉祥童子說是法時有九十二菩薩皆得勇猛三摩

地復有人天六十二衆生得無生法忍

爾時普賢菩薩摩訶薩從座而起偏袒右肩
合掌恭敬白佛言世尊云何爲菩薩摩訶薩
大悲佛言善男子此菩薩摩訶薩大悲者若
菩薩摩訶薩不捨三界名爲大悲若令一切
衆生得見諸佛淨妙刹土名爲大悲若諸破
戒衆生悉能憐愍護持名爲大悲若能令一
切衆生志求般若波羅蜜多親近修習名爲
大悲若爲一切衆生不惜身命名爲大悲乃
至頭目髓腦難捨能捨難行能行爲諸衆生
名爲大悲復告善男子菩薩摩訶薩爲諸衆
生無有異心等以安樂離諸邪見悉令解脫

善男子是爲菩薩摩訶薩大悲應如是解
爾時普賢菩薩摩訶薩白佛言世尊唯願如
來大慈無量爲諸衆生安樂世間說此寶光
惣持法故并此大會諸天及人皆得安樂利
益即時世尊愍諸衆生以梵音聲普告諸菩
薩摩訶薩言汝等今者於未來世後五百歲
法欲滅時誰能受持廣宣流布此寶光惣持
法故是時普賢菩薩離一切憂暗菩薩藥王
菩薩辯積菩薩出生一切法王菩薩無盡意
菩薩海慧菩薩寶師子菩薩寶賢菩薩寶光
菩薩寶髻菩薩觀自在菩薩等觀菩薩常觀
菩薩寶手菩薩寶積菩薩寶莊嚴菩薩吉祥

幢菩薩法吉祥菩薩財吉祥菩薩福德吉祥
菩薩栴檀吉祥菩薩法慧菩薩甘露慧菩薩
不思議菩薩福德莊嚴菩薩功德莊嚴菩薩
相嚴菩薩常歡喜根菩薩衆智山峯王菩薩
辯說菩薩常舉手菩薩持地菩薩辯意菩薩
虛空藏菩薩月藏菩薩清淨月藏菩薩日藏
菩薩出生王菩薩摩訶彌盧菩薩堅牢慧菩
薩彌勒菩薩摩訶薩如是等六十二百千俱
胝那庾多菩薩摩訶薩以一音聲同時告言
世尊我等今者能於未來世後五百歲法欲
滅時常當受持廣宣流布爲諸衆生說此寶
光惣持法門佛言善哉善哉善男子希有希

有善男子汝等為諸衆生能發如是清淨大願
爾時世尊告普賢菩薩摩訶薩言諦聽諦聽善男子此寶光物惣持微妙正法為欲利益安樂一切衆生
爾時世尊說是語已即昇大寶莊嚴師子之座結跏趺坐即說寶光明物持陁羅尼曰

𠃉 𠃉 𠃉 𠃉 𠃉 𠃉 𠃉 𠃉 𠃉 𠃉 𠃉 𠃉 𠃉 𠃉 𠃉 𠃉 𠃉 𠃉 𠃉 𠃉

曩莫 三滿多跋捺囉 𠃉

𠃉 𠃉 𠃉 𠃉 𠃉 𠃉 𠃉 𠃉 𠃉 𠃉 𠃉 𠃉 𠃉 𠃉 𠃉 𠃉 𠃉 𠃉 𠃉 𠃉

地薩怛縛 𠃉

𠃉 𠃉 𠃉 𠃉 𠃉 𠃉 𠃉 𠃉 𠃉 𠃉 𠃉 𠃉 𠃉 𠃉 𠃉 𠃉 𠃉 𠃉 𠃉 𠃉

野麼賀 𠃉

引迦 引嚕 引野怛



可
可
可
可
可
可
可
可
可
可

你也合二他引唵引婆羅脰引婆囉

以
以
以
以
以
以
以
以
以
以

脰引婆囉婆冷帝薩縛引二合賀引

是時世尊如是三說此寶光惣持秘密微妙
最上甚深廣大法寶是時普賢菩薩摩訶薩

白佛言世尊法與法者是義去何佛言善男
子無法即法即一切義即無性義一切法義
即等虛空義一切法即無數義無數義即一
切義無數義即一切法義普賢菩薩白佛言
世尊云何說此一切法佛言善男子吾說此
一切法者謂眼耳鼻舌身意如是此六識及

十二緣行善男子是故我今作此說故一切
諸法亦復如是復次善男子一切諸法本無
生滅是時妙吉祥童子白普賢菩薩摩訶薩
作如是言佛子此寶光惣持法門菩薩云何
受持普賢菩薩摩訶薩告妙吉祥如是說言
善男子此寶光惣持如法而說如理受持何
故本性不生不滅故非相非空故無性即自
性故自性即無性故善男子此寶光惣持如
是不應執著受持觀察故智慧決了應如是
住分別解說善男子此寶光惣持觀法自性
義故

大方廣物持寶光明經卷第二

晃曜反上胡廣也珍玩下貫反稱反尺證

也也喧囂反下許亦

也也闡反昌演俱反脰反下珍遲也瘦多上於主反那億數

也也顛反嚙反馱上乃頂反俱反締反判反媿反曩反

祢上乃黨反鍍反捺反囉上蒲末反中反如反達反臆反

腦上息反委反

柏

許

亦

嬌

曩

臆

